

雞澤縣志料門類



雞澤縣

疆域

一沿革 在夏屬冀州春秋時屬衛戰國時屬趙秦時屬邯鄲郡漢時置為廣平縣後漢三國晉後魏高齊因稱之隋開皇十六年改名雞澤縣是為雞澤名縣之始

二位置 東至曲周縣界三十里西至永年縣界二十二里至南和縣界二十二里至城四十里南至永年縣界三十五里北至平鄉縣界十里至城十五里東南至曲周縣界三十里至城三十八里西南至永年縣三十八里至城六十里東北至平鄉縣界二十五里至曲周縣界二十五里西北至南和縣界十里

三區域 縣政府在書院舊址公安局在縣署舊址教育局在儒學舊址建設局在義倉舊址財務局係賃民宅全縣共分四

區第一區公所設在城內所屬村鎮凡三十一台頭村何家庄王雙塔王家庄康雙塔營董雙塔劉雙塔亭自頭廖家庄牛家庄北風正中風正南風正三里庄司馬堡楊家庄張家庄梁家庄二百戶營毛官營龍泉魏青堤王青堤小韓固北馬方營城內東北西三閘北安上沙陽大韓固韓固營崔青堤東馬方營第二區公所設在吳官營(暫借八家寨)所屬村鎮凡三十三張路固葉官營賈庄柳官營郝庄吳官營逢官營程官營東要庄營西要庄八家寨常家庄邢家堤舊城營靳家庄陳家庄胡家庄駙馬寨庫史庄東安上郭家庄東劉家庄西于口東于口申家園羅官營韓村甯家屯于次口鞏家庄許家疇李家家庄東雞澤屯第三區



公所設在小寨集所屬村鎮凡四十一榆林村貫庄營西貫庄孟貫庄東貫庄柳林口營寺河口東北庄營張家庄劉家庄東六方西六方槐橋營趙家庄小寨村小寨營小寨集東屯庄戴家庄西屯庄柴家庄趙家庄營趙家庄陳馬昌劉馬昌慕家庄村慕家庄營東段家庄李馬昌營善家庄堡營東硯池西硯池趙家庄孫堡營孔家庄堡康馬昌蕭家庄窪栗家庄南段家庄褚家庄南雞澤屯第四區公所設在浮圖庄營所屬村鎮凡三十三城隍村城隍營東柳下村東柳下營黃溝營西柳下營黃溝村西柳下村浮圖店營浮圖店村南庄村南庄營焦佐村焦佐營柏枝寺普高軍寨魏家庄東三陵西三陵南三陵臻底南雙塔永光村全家庄蔡家庄高家庄北庄西庄西趙庄司郭庄弓家庄杜家屯

四面積 東西廣五十二里袤六十里南北長四十五里袤五十里

地理

一山脈 無

二河流 滏陽河在城東十五里有南北二源一出磁縣西北四十里石鼓山麓晉祠廟下東南流二里與南源合南源出神廟山下黑龍洞東北流二里與北源會東北入邯鄲縣境經永年縣城南東達曲周北入本縣舊城營邢家堤東于口入平鄉縣境再北流至天津會白河入渤海

洛河在城西五里源流有二在河南武安縣經城南者為南洛河經城北者為北洛河南支源出武安縣西天井岐北支源出山西遼州山中摩天嶺一帶南北二支東流交會為澤名曰寢水東經永年

縣臨洛關又東北經辛莊堡北入縣境今家庄東北經南雙塔臻底柳下城隍韓固沙陽等村北入南和縣界北經任縣至甯晉入泊沙河在城西十里有二源皆出山西遼州一支東南流由大嶺口入沙河縣境一支南流經河南武安縣界由黃背巖口入沙河縣二流相會東達永年縣北入縣境東北流經焦佐浮圖店北經黃溝城隍韓固營東北入南和縣至甯晉入泊

牛尾河在城西自永年縣通水閘北流入縣境肖栗庄東北經西硯池柳林口六方四雙塔過西關北經二百戶營馬方營入南和縣界至甯晉入泊

三交通 縣境交通不稱甚便惟滏河可行帆船北通天津城內有電話局一處與鄰封通

四關隘 無

五名勝 縣內有八景即晉侯盟台關廟靈棘鳳山曉月洛浦春畦石佛神池金龍飛閣古城幻影治水新亭古人題詠頗多茲擇盟台懷古二則以備採訪

物換星移霸業空當年此地築蒲宮載書牛耳推三駕故壘鷄邱嘆七雄上客銅盤碑沒草將軍石馬夜嘶風高旻木葉瀟瀟下望魯門東月似弓 六皖方夢袍作

復霸雄圖逸矣哉遺跡空寄古盟台聞人爭道雞邱景令我遙思晉悼才老樹蒼茫滏水岸新莎掩映留城隈墩盤玉帛埋何處牧豎豎樵童自往來 清邑人王鍾信稿

六古蹟 晉樂故城在縣東南二十五里即今貫庄村北空城唐書地

理志雞澤有晉樂縣武德初置後為竇建德陷遂廢當時晉樂縣令為程名振

建德城在縣南三十里有故城二東西相值相傳竇建德屯軍處今南雙塔村西尚存遺址

會盟臺在縣東十五里舊城營村北半里許春秋諸侯同盟於此遺址一畝二分乾隆十八年知縣王光燮重築臺高五尺寬濶各一丈六尺遺址尚存

氣候 冬寒夏燠雨量稀少

人口 全縣共一萬七千一百八十九戶男四萬七千六百八十口女四萬二千零三十二口

物產 農產物有五穀及棉花特產為秦椒產額甚鉅銷路頗廣果品有棗李桃李杏數種

實業 無甚特色

行政

(1) 組織 現時行政機關之組織

本縣行政機關之組織依縣組織法之規定縣政府為最高行政機關設置秘書處總務科外設公安財務教育建設四局此本縣行政機關組織之情形也

(2) 財政

一全縣民糧地共三千九百一十七頃三十六畝一分按上中下三則徵課田賦除民欠外淨征銀一萬五千九百七十七兩八錢四分九釐二毫完全報解省庫地方行政經費則由田賦附加每畝征洋五分以

百分之三十六歸教育局百分之六十四歸財務局此外各項牙稅附加捐係採投票制無確定捐額每年於投票時臨時規定本年為二千零六十七元其支配辦法係交由財務局平均分配歷年地方行政費短拙甚鉅各機關幾難維持現狀至地方款與省款尚未劃分規定此本縣財政之情形也

### (3) 治安

一本縣地方治安現時尚稱安謐惟以團警經費支絀餉械兩缺武力不足辦理防衛時虞竭蹶惟當局尚能忠勤職務悉心計劃偵緝搜捕嚴密防範辦理成績頗著而四鄉保衛支團暨各村民團亦能團結精神守望相助維持地方秩序深資得力此本縣治安之情形也

### (4) 自治

一本縣區鄉鎮之組織依現行區治組織及實施辦法暨現行鄉治組織及實施辦法之規定辦理關於地方自治事業應興應革之設施各區長及各鄉長尚能瞭解惟以經費困難未由建設兼以民智幼稚故無長足之進展此本縣自治之情形也

### 教育

縣立高級小學校一處設在縣城東北隅學生約百二十人初級小學七十餘處多設在四鄉學生約二千人民眾閱報所通俗講演所公共體育場各一處民眾學校三十餘處

金融 通用銀元銅元兩種銀元最高價值兌換四百五十銅元最低價額兌換四百銅元平均兌換四百二十五銅元

(1) 宗教 釋道兩教日趨衰微回教無耶穌天主兩教比昔稍盛  
(2) 民生 縣民衣食住行之概況均不甚講求需要來源悉取於  
本地

(3) 禮俗 禮俗如冠婚喪祭仍多沿用古制風俗固塞習慣樸誠  
(4) 歌謠 本地歌謠無甚可採茲擇最普通者如左

下雨下雪凍死老鼈老鼈告狀告着和尚和尚念經念着先  
生先生算卦算着蛤蟆蛤蟆浮水浮着老鬼老鬼推車一步一跌  
月亮地白光光開開大門洗衣裳洗的白鏡的白就是女婿  
不成材

紡花車嗡嗡嗡嗡我唱唱小狗聽

(5) 方言 本地方言多入聲字且有將二字之意義合為一字  
者如「什麼為吓」了 「不用為勾」之類是也  
又如作一件事情心中有不欲之意叫就「我幹他勾」



人物

戰國

毛 遂嘗自薦於平原君至楚廷說楚王定約而還平原君禮為上客詳史記

漢

毛 萇遂之後治詩為河間獻王博士授同國貫長卿六經遭秦火後迄今三百篇之義炳如日星者萇之力也於是世傳毛詩之學從祀文廟

唐

毛 藻字行斌遂之後曾祖買祖甯父卿皆仕齊隋間性疏放不拘名檢隋末歸唐授上儀同尋陞熊州司法參軍莫氏縣令克王世充滅竇建德屢有功授朝散大夫降繞騎尉致政咸亨四年卒有墓銘

宋

元 達初名守旻負膂力善射謁太宗於晉邸嘗侍射園亭達連中太宗喜為更今名及即位補御龍直隊長累遷媯州幽州刺史歷都部署由常山鎮入為京城都巡檢卒贈昭化軍節度使達雖奮自草野歷職戎署至交士大夫能折節盡禮人以是稱之

元

趙思源字巨川與兄思海思泉俱以孝友稱思源尤仁厚好施建闕帝廟修橋治路助婚聘葬凡利人者悉勉為之以子瑄貴雞澤縣尹

明

趙 鼎忠後愨直邃於理學以歲貢任戶部司務累遷南京刑部員外郎操履清介有屬吏餽金三百立却不受人以關西夫子稱之致政歸行李蕭然家居究心經學著有詩經會意等書行世祀鄉賢

劉 誠字敬之東平訓導芳之子天順丁丑進士授翰院檢討改秀府長史以禮輔導甚見敬重嘗著周易衍辭及皇極經世洪範補註等書累官湖廣參議卒於任囊無才帛幾不能斂居家尤以孝友聞祀鄉賢

郭 潤字瞻孔恕曾孫性仁厚讀書善解悟由鄉薦令沁源教民為善不忍用刑不得已應責者往往流涕沁人呼為郭佛甫數月以疾辭官歸寒素攻苦無異諸生時每出遊乘一犢車有心得處歸即著之簡編郡守聘掌漳川書院諸士無不服從所著有四書一得春秋宗傳等書

陳 厚字體坤簡默渾樸舉動森然以選貢任壺關訓導轉延慶代府教授克端師範迪士有方倦遊歸老讀書賦詩著元齋社吟集子大道資性醇篤博覽羣書士林推之

杜 璋字廷器舉鄉薦授鄆縣尹時流賊圍鄆督兵拒敵力竭無援城陷子崇熙遇害公冠帶危坐賊逼之碎其襟袖卒不屈欲加忍有縣丞某求以身代賊義而兩釋之改知潞城射洪二縣俱著政績後以終養乞歸

劉 錫字德純號鈍菴弱冠登嘉靖二十六年進士授庶吉士尋擢御史巡按山東墨吏望風解綬以忤太宰出知紹興府力革漏女齋

僧諸弊越俗若奩資競後輒不舉女錫為更定禮制其俗遂變  
倭寇海濱錫督兵屢有俘馘世宗賜金獎諭會趙文華出視師  
錫不為屈竟得譴罷官著有文集行世府志

康守愚字哲夫孝友篤摯流覽羣書嘗感邑無志特為編輯備  
外史以數奇累困場屋授南宮訓導端範潔已期以孚化一時科第為  
盛遷趙府長史方嚴自持殫心匡救有長沙江都兩太傅風焉

郭都字舜俞號西田恕六世孫誠實寡言笑好讀書寒暑不輟事  
祖母以孝聞田園悉讓弟以明經初訓滄州調確山兩縣攝篆有惠  
政民歌之曰免催科禁訟獄不貪火耗不貪贖從來借寇罕其儔

清比冰兮潔比玉遷延雲諭教諸生無異子弟告休歸士民遮道泣  
送家居二十年自奉甚薄族党不能婚葬者勉力助之有里人行  
竊被獲多方勸誠予數金令貿易自給其人遂改於善年八  
十九猶手不釋卷著有西田文集等書行世

賈熙載字亮所教授棲鳳子由鄉薦初知白水以抗禮忤宦者遷

(萬曆七年舉人)

夏縣清節自持嘗銘座右云誓為黎庶驅鱷虎惡與兒孫作馬  
牛尋擢懷慶通判復除寶慶考最陞廬州同知加運同服俸引年  
歸里課子弟讀書橋梁義塚之施行人枯骨多沐其惠著有勸  
民格言及闡揚聖諭六款祀鄉賢

康應乾字一之號念東歲貢守愚子萬曆甲辰進士初知陳州俗  
好訟不務農公善德之民向化比皆知力田更加意浚河上止當事者  
八議迄今著為法程勤課士文風丕變以考最陞南比部郎晉京  
口太守郡帑貯海防銀十餘萬吏胥諷以借支名可取正色拒之

尋擢山東副使備兵遼東海蓋道海蓋居水陸要衝專司餉務身督車牛道屬巉巖妖民吳全祖聚眾僭號公立縛渠魁餘黨解散會遼陽陷沒無兵可守公奉勅印浮海歸朝具疏自劾時經畧熊廷弼奏其有軌運平賊功上憐之置不問後以言者糾摘下吏議安置數年始白其寃歸里公鈍菴婿也才高遇畜後先彷彿著有澹齋遺稿

殷太白字白溪號大陸性嚴毅不輕笑語而博學能文萬曆三十七年領鄉薦累官南京兵部郎出守叙州府權豪斂迹遷關南道副使鎮興安州時巨寇環踞窺近境太白每用間使自相殘殺又屢遣兵追剿大有俘獲會閩部楊嗣昌視師無功懼誅誣劾以自解繫獄坐罪死海內寃之

殷 淵字仲泓號澄之太白次子有武材少知兵好舞踊擊劍父嘗給以兵數騎破賊萬餘人賊中驚傳殷公子神勇不可犯大白被逮淵上書請代跪朝門五日奉旨詰責淵以逆賊未除父寃未雪遂棄舉子業隱廣陽山中團鍊其鄉人甲申李賊犯京師淵倡義勤王率兵二千人至柏鄉聞都城陷乃還設龍亭哭臨賊眾至被殺於明倫堂暴屍烈日中十餘日不壞有黃犬守之不去土人以神祀之乾隆十八年知縣王光燮為詳請崇祀鄉賢又立專祠於學宮之南

清

殷 岳號宗山太白子崇禎舉人大白坐法死獄中岳與弟淵共上疏乞父骸骨比歸而京師已陷遂入西山謀舉義事洩淵被害岳匿友家得免順治初吏部按籍推選得睢寧令以方嚴稱豪滑無敢

犯者邑有大俠岳廉得咎之幾死下獄將置於法請託交卒不能奪  
未幾上官提去釋之岳怒曰恨不斃杖下乃為所賣適得友招隱書  
慨然曰吾豈以一官易我友哉遂投劾還里與友晨夕唱和相樂也  
詩自魏晉下屏不觀尤不喜律詩故所作惟五言古風莽莽然肖其  
為人晚年好遊山水間題咏自適性元直不能容物惟與同邑申涵  
光張蓋友善所謂平平三友者著有留耕堂詩稿行世苑有蕃字百  
子號西柳學問淵博尤工詩為諸生時嘗夜讀書有婦叩門詭求  
火拒弗納婦愧而去性純孝家貧躬漁佃以奉親為舉業不與時  
輩伍順治丁酉舉人任寶坻教諭待士有禮餽贖却不受尋中戊戌  
會副擢永甯令甫下車蠲火耗謝包苴鋤豪強莫敢干以私夏旱作  
祈雨詞自責禱立應歲乃登時關中寇警清師屢駐洛陽百姓  
運兵餉於風雪中凍餒相望有蕃請於上官當在本地採買事不  
費而民困蘇上官納之閭邑呼為真父母解組歸蕭然環堵歌聲出  
金石嘗語其子曰吾所歉者瓊林一杯酒耳著深柳堂詩稿卒祀  
河南名宦子立元邑庠生曾為百韻詩恭頌萬壽賞賚甚渥亦  
異數也

齊祖望字望子號勉菴博學工詩康熙庚戌進士初知已東縣時賊  
渠王鳳岐據巫山李春儒據施州祖望移檄彝陵總兵由建始取  
施州復以密謀授遊擊許嘉謀等寇難志平以循卓召除督捕主  
事遷武選司員外擢刑部郎中提督通惠河務管理大倉上嘗試  
部曹於瀛台祖望以慎簡督撫對拔置第一出守鞏昌臨洮饑設  
粥廠全活以萬計尋以事謫歸家居瘠田數畝處之泰然未幾上

憲廉得其狀事白復職已捐館矣所著有讀易辯疑尚書一得錄及詩序參朱等書子葑字龍門有文行善古作詩詞為郡廩生賞志為酬卒

齊祖頊字若水諸生資性高邁博極羣書隱於東柳村年八十未嘗一至縣城適城內有友居母喪祖頊曰是不可不吊邑人間其至擁道以觀好為詩古文工篆人爭購之著有淡菴書鈔樂道堂文集年八十六卒

安 舒字子申康熙己未科武進士居家孝友聞授揚州衛守備清釐漕政治績平允衛人為立生祠及去思碑幼涉經史頗饒文墨有草亭論繡虎堂詩集行世年五十二歲

王鍾信號棘亭年十二入邑庠嘉慶辛酉拔貢丁卯舉人親病每夕焚香叩禱十日而親疾瘳博通經史旁及諸子百家館於群城李氏藏書甚富鍾信得肆博覽學業益進授徒三十餘年立學規十八科先德行而後文藝集諸家講義為四書日記後改為所得隨錄複製躁憂怒傲四箴書座右以自儆著有雅談新聞平干三君詠雞邑人物傳燈下記聞棘亭雜著存草多散佚年六十四歲卒又周昌齡字介眉工詩少與馮南村唱和為詩壇健將著有椒園偶筆鍾信稱其詩波瀾壯濶法律精嚴以歲貢終

### 列女

明

庠生郭瀛妻韓氏平鄉歲貢韓某女年十九適瀛甫六月瀛卒氏如苦事翁姑撫遺腹子娶婦生孫既而子又不壽抱幼孫都郊皆

成立遊庠氏曉文子知禮義閨範嚴肅雖免稚見之不敢啼笑年八十九卒巡按樊獻科姜繼曾表其門

庠生王法妻張氏經歷張琴女年十八夫亡奉舅姑盡孝撫遺孤先民教養並至貢入太學年七十餘卒巡按樊獻科姜繼曾表其門

庠生何澤妻梁氏年十九夫亡氏毀面素服不踰閭閻雖鄰里戚屬罕見其面勤於女工舅姑安其孝養年八十餘卒知縣于慧扁其門曰貞節

趙炯妻殷氏年十六適炯炯抱病三載氏奉湯藥如一日及炯卒遺孤未週撫之成立娶媳生孫子又亡氏復撫之甘負守志以歿孫元勳遊郡庠知縣李時俊表其門曰節可維風

田九齡妻賈氏贈同知賈鳳棲女年二十二夫亡氏觸樞幾死勺水不入口者六日鄰人以事姑撫幼勸之遂毀容紡績不出門庭雖至親罕見其面後子家祥入武庠孫夢熊為諸生巡撫宋師襄表其門曰貞烈

柴基妻魏氏年十九夫亡生子未週始年茹苦自給上事孀姑下扶孤子守節五十餘年卒巡按錢桓表其門曰節凜冰霜

盧高賓妻郝氏年十九夫亡氏以死自誓既而免從翁姑命撫孤克保先業終身不衣帛食肉守節六十餘年巡撫按胡繼升給扁云柏舟雅操

田蘊璽妻李氏遇變止蘊璽兄弟被殺氏抱女同嫂王氏抱男潛逃王足創難行令李速逃李曰良人兄弟俱死當存此子以留田氏後

遂棄己女抱其子越城而逃得無恙妯娌孀居事翁姑以孝聞又同邑李氏適曲周郭堂戊寅之亂舉家逃匿翁姑皆被殺氏携幼男並夫之七歲弟同走力罷不能兩全或教之舍叔而抱子氏曰翁姑死矣豈能再得吾夫在外或未死子尚可望也竟棄子抱叔而去明史合載雞澤二李氏

王女庠生王璽女許聘永年舉人李芳淮子庠生球彝為妻年十四遭兵亂死節裹衣千紉縫結面色如生李感其義迎葬先塋旌表知縣賈益謙以詩輓之見藝文

清

陳彤瑞妻柴氏年十七夫亡遺孤甫四十日舅姑俱逝貧窶無依父母勸之改適氏剪髮以誓閨範謹嚴教子奏可成立任山東高密典史守節六十三年卒巡撫徐標給扁曰女中丈夫巡按衛周脗表其門曰節勁松筠順治八年題旌

劉太所妻高氏夫亡撫孤存仁成立遊庠娶媳宋氏年二十四存仁卒遺子端又早亡婦安氏年二十一堅志共守或有以他適勸者安正色拒之曰吾生平不易席豈肯再事他人耶苦節俱四十年詳請旌表知縣郎銘扁其門曰三世松操

劉則舜妻許氏年二十七夫亡嫡室以氏年少諷之改適氏誓死不從撫子作德例入成均守節三十五年乾隆二十五年旌知縣王錦林顏其門曰雪肝冰操

武某女名金鳳邑西沙陽村人幼許字城內焦姓子及長父母嫖其貧無行賄焦得離婚書女聞自縊死父母又與南和丁氏孀子

冥婚教諭賀家駿聞之同典史孫聿修馳啟告縣令錢錫棠僉  
差將柩遺回擇地改葬光緒十七年旌縣志稿錢錫棠傳略文  
性孝謹不苟言笑操井臼躬浣濯恒踧踖不使人見雖鄰里罕識  
其面幼字城內焦姓子及長女母以婿貧持錢十緡誘令退婚女告  
母曰女子從一終義也婿雖貧女甘之誓死不他適事遂中止閨數  
歲女年二十三歲焦益貧無行父母賄焦得離婚書將改聘他族  
女聞之自縊死時光緒十五年十一月二十四日也女既死其父母復利  
南和丁氏全效世俗所謂冥婚也身其骨與丁氏殤子合葬典史  
孫聿修走告余余愀然悲喟然歎曰烈女以不願他適死死又強  
與他氏同穴悖孰甚風教所關有司之責也亟召里甲責以大義  
並馳書南和貴令咸事乃就遂於村購地二畝餘遷柩改葬立  
碑以表其墓 知府吳中序詩幽蘭生空谷衆芳為之歇勁竹  
藏深岩其節愈挺拔物性猶如此人可無氣骨卓哉吳氏女綠窗  
農家質天然大義明秉性何貞烈幼字同邑焦家貧無長物所  
行又不良傳聞是否實阿母思退婚從一吾志決泣諫雖中止  
變遷不敢必自嗟妾命薄不樂常忽忽猶望鏡團圓食貧志  
願畢蹉跎年逾笄標梅未迨夫婚如放豚父母動心猿獺得離  
婚書藉口謂有言女聞意計定腸斷掩啼痕赤繩難繫足朱絲  
畢命根何物丁氏子妾思給冥婚一母父母思烈女一母寃生猶可以  
殉死誰申九原彼實非所天同穴真憤昏貪此阿堵物污我泉下  
魂幸逢賢宰執禁復理論移文到鄰境遷柩返故村亟亟擇  
葬地煌煌標墓門得旌請如列表揚荷聖恩鐫碑傳其事千

古姓名存

民國

廖連清妻王氏年二十八夫亡遺子舒泰尚在襁褓氏上孝翁姑下撫孤子讀書成立娶媳董氏未幾舒泰又亡遺孤立憲尚幼氏勤儉持家又撫立憲讀書成立娶孫媳史氏王殯翁姑兩撫遺孤終身勤苦守節三十餘年民國五年大總統賞給題匾松筠勵節黃綬銀褒章

生員王懋修妻劉氏年二十六歲修甫八庠未逾月病故遺子鴻賓鴻科尚幼氏上孝下慈撫二子成立守節四十二年民國五年蒙大總統旌表題額松筠勵節操給黃綬銀褒章

朱召棠妻鄭氏年二十三夫亡遺子鳳翔方週歲無恒產氏採藜藿雜糠粃與子共嚼惟以粒食奉孀姑後鳳翔稍長亦善體母意勤儉自勵氏為鳳翔娶媳李氏生孫多福兄弟四又娶孫媳生曾孫數人氏猶及見之家業亦蒸蒸日上以為節孝之報云卒年八十歲民國四年知事李公毓文呈請旌表顏其門曰節孝可風

劉鳳儀妻氏年二十夫亡氏恪守清門絕無異志一日有賊盜持刀夜入其家氏覺疾呼四鄰賊舉刀來劈氏轉賊身後兩手握其後腰賊左則左賊右則右手雖被創誓不放鬆四鄰俱至遂繩捆送縣韓縣王廷煥嘉其節烈賜以匾額曰節烈可風

增生廖永康妻李氏年二十七夫亡遺子琮璋甫三歲氏上孝孀姑致敬盡禮下撫孤子讀書入庠琮璋性最孝入庠後絕